



ANTARA reban ayam yang dibina oleh seorang pemilik rumah teres yang digempur DBKL baru-baru ini.

Bina reban di rumah teres, 37 ayam disita

KUALA LUMPUR – Tindakan seorang pemilik rumah teres di sini yang menjalankan aktiviti penternakan dengan menjadikan kediamannya sebagai tempat penyimpanan ayam hidup mengundang padah apabila premis itu digempur Dewan Bandaraya Kuala Lumpur (DBKL).

DBKL berkata, pemeriksaan mendapati pemilik premis telah membina struktur tambahan secara haram di belakang rumah dan meletakkan beberapa reban ayam di situ.

Menurutnya, hasil peman-tauan, premis tersebut berada

dalam keadaan kotor dan berbau busuk, sekali gus mengganggu keselesaan serta keharmonian jiran tetangga.

“Struktur tambahan yang dibina terletak di atas rizab jalan menjadikannya satu pelanggaran dari sudut teknikal dan undang-undang.

“Walaupun telah diberikan Notis Menghentikan Kacau-ganggu di bawah Seksyen 82 Akta Kerajaan Tempatan 1976 pada 1 Julai lalu, pemilik didapati ingkar dan meneruskan aktiviti penternakan,” katanya yang memaklumkan 37 ekor ayam turut disita.